



# Պարույր Սևակ

## Մեր լույսերը

Մաքսիմ Տանկին

Ես չեմ տեսել Միհակը քո, ինչպես դու՝ իմ Երևանը,  
Բայց մեզ նման՝ նրանք նույնպես մերձ ու մոտիկ հարևան են:  
Ես չգիտեմ՝ իմ հայկական տուֆ քարից չէ՞ քո տունն արդյոք,  
Բայց իմ տունը կառուցված է բելոռուսյան շինափայտով:  
Մեր գինին չէ՞ ձեզ խինդ բերում իրիկնային գինարբուքում,  
Մեզ քո երկրի դուստրը չքնաղ, հաճախ նա՛ է մատրդակում:  
Նո՛ւյն երազը մարմնավորվող, նո՛ւյն առօրյան, ավյունը նո՛ւյն,  
Նո՛ւյն անբաժան ճանապարհն է մեզ դեպի լույս հեռուն տանում:  
Իսկ լույսե՛րը... Ինչ փույթ՝ մեկը իր ծնունդը գետից առել,  
Իսկ մյուսը՝ մեր Սևանի պաղ կոհակն է կրակ դառել:  
Մեր լույսե՛րը, կրակնե՛րը... Ամբողջ գիշեր նրանք անքուն  
Հեռվից իրար ձայն են տալիս, իրար անխոս արձագանքում:  
Իսկ մեր երգը նույն լույսը չէ՞, որ խոսքեր է միայն հագել...  
Ու ես երգով, լույսերի պես, ուզում եմ քեզ արձագանքել:  
Լույսերի պես թող մեր երգն էլ ապրի այն լուրթ հեռաստանում,  
Ուր այս ահեղ ու մեծ դարի ճանապարհներն են մեզ տանում:  
Այնտեղ արդեն ո՛չ միայն մենք, մեր Միհակն ու Երևանը,  
Այնտեղ արդեն ո՛րչ աշխարհը ո՛րչ աշխարհի հարևանն է: